

Script of Morning Gojri News Bulletin 04 November 2024 at 1015Hrs

مارننگ گو جری نیوز بلیٹن مورخہ 04 نومبر 2024

یوہ آکا شوانی جموں ہے عبدالرحمن شاہین تیں خبر سُنو۔

JK Assembly

جموں کشمیر قانون ساز اسمبلی غو اجلاس اچ تیں شروع ہو رہیو ہے۔ جس دوران اسمبلی غا نواں سپیکر غو انتخاب کیو جائے گو۔ سینئر نیشنل کانفرنس لیڈر تے سابقہ وزیر عبدالرحیم راتھر غو ناں اس عہدہ واسطے تجویز کیو گیو ہے۔ اسمبلی سکریٹریٹ غی طرفوں اسمبلی غا اچ کم کاج بارے جاری فہرست غے مطابق اسمبلی غو ایوان ساڈہ 10 بجے شروع وے گو تے پھر سب تیں پہلاں سپیکر غو چناؤ وے گو۔ نواں سپیکر غو چناؤ متوقع آسان ہی وے گو۔ کیونجے 90 ممبران اسمبلی ور مشتمل اسمبلی مانہ نیشنل کانفرنس غا 41 ایم ایل اے ہیں جد کہ اتحادی جماعت کانگریس غا 6 ایم ایل اے تے سی پی آئی ایم غو اک ایم ایل اے ہے۔ نیشنل کانفرنس غی طرفوں ڈپٹی سپیکر غا عہدہ واسطے بھارتیہ جنتا پارٹی نانہ پیشکش کی گئی ہے۔ جہیڑی کہ 29 ممبران اسمبلی آلی اسمبلی مانہ دوجی سب تیں بڑی جماعت ہے۔ لیکن بی جے پی غا اک ایم ایل اے غی موت وی ہو گئی ہے۔ بی جے پی غی طرفوں اس عہدہ واسطے نریندر سنگھ نانہ چنیو گیو ہے۔ اسمبلی غی کاروباری فہرست غے مطابق سپیکر غا چناؤ تیں بعد ممبران اسمبلی ساڈہ 11 بجے لیفٹنٹ گورنر منوج سنہا غا خطاب بارے اسمبلی ہال مانہ اکھٹا ویں گا۔

NC Congress

مرکزی زیر انتظام علاقہ جموں کشمیر غا اسمبلی اجلاس تیں پہلاں حکمران اتحاد نیشنل کانفرنس تے کانگریس نے کل اک میٹنگ غے دوران اسمبلی غی کاروائیاں بارے تبادلہ خیال کیو تے کشمیر مانہ بگڑتی حفاظتی صورتحال ور تشویش ظاہر کی۔ نیشنل کانفرنس تے کانگریس غی طرفوں سرپرست مانہ پہلاں بکھ بکھ قانون ساز پارٹی میٹنگ منعقد ہوئیں تے پھر اُس تیں بعد مخلوط سرکار غا حصے داران غی سانجھی میٹنگ وی ہوئی۔ جس مانہ 5 آزاد ممبران اسمبلی تے سی پی آئی ایم غا واحد ایم ایل اے محمد یوسف تاریگامی نے وی شرکت کی۔ نیشنل کانفرنس غی میٹنگ غی اس غا قانون ساز پارٹی غا لیڈر وزیر اعلیٰ عمر عبداللہ نے صدارت کی جد کہ کانگریس پارٹی غی میٹنگ سرپرستی اس غا پردیش صدر طارق حمید قراہ نے کی۔ کانگریس اور نیشنل کانفرنس غو کہنو ہے جے ان جماعتاں غی طرفوں اچ اسمبلی مانہ لیفٹنٹ گورنر منوج سنہا غا خطاب جنتا پارٹی سنگ نمڑن بارے حکمت عملی ور غور کیو گیو۔ میٹنگ غے دوران کشمیر مانہ بدھتا دہشت گردانہ حملوں بارے تبادلہ خیال کیو گے۔ ان حملوں مانہ زیادہ تر حفاظتی دستاں تے مائیگرینٹ ورکاراں نانہ نشانو بنایو گیو۔ حکمران اتحاد کول 55 ممبران قانون سازی غی حمایت ہے۔ جن مانہ نیشنل کانفرنس غا 42، کانگریس غا 6 ممبران اسمبلی، 5 آزاد ایم ایل اے نیشنل کانفرنس غی حمایت کر رہیا ہیں۔ تے اک سی پی آئی ایم غو ایم ایل اے ہے۔ حزب اختلاف بی جے پی غا 28 ممبران اسمبلی ہیں۔ جس غی طرفوں ایم ایل اے سنیل شرما نانہ حزب اختلاف غو لیڈر چنیو گیو ہے، بی جے پی نے جموں 29 سیٹاں ور جیت حاصل کی تھی۔ مگر ایم ایل اے دویندر سنگھ رانا غی موت سنگ اس غا ممبران اسمبلی کھٹ غے 28 ہو گیا ہیں۔

BJP LOP

بھارتی جنتا پارٹی غی طرفوں پاڈر تیں ممبر اسمبلی سُنیل شرما نانہہ حزب اختلاف گو لیڈر چُنیا گيو ہے۔ یوہ فیصلو بی جے پی غی سینئر لیڈر شپ غی طرفوں قانون ساز اسمبلی غا 28 ممبران سنگ کل پیشی ویلے چرچ لین سونوار سرینگر مانہہ منعقدہ قانون ساز پا رٹی میٹنگ غے دوران لیو گيو۔ اس میٹنگ غے اج تیں اسمبلی کمپلیکس سرینگر مانہہ شروع ہو ریا اسمبلی اجلاس بارے بی جے پی غی حکمت عملی وروی غور کيو گيو۔ اسے دوران جموں کشمیر بھارتیہ جنتا پارٹی گا نواں چُنیا گیا پردیش صدر ست شرما نے حزب اختلاف غا لیڈر سُنیل شرما غے ہمراہ راج بھون مانہہ لیفٹنٹ گو رنر منوج سنہا سنگ ملاقات کی ہے۔

ADGp Reasi

اڈیشنل ڈائریکٹر جنرل پولیس جموں انند جین نے ڈی آئی جی اُدھم پور ریاسی رینج رئیس بھٹ تے دوجا سینئر پولیس عہدیداراں غے ہمراہ ریاسی سنگلدان ریل لائنیں ورتقیلاً حفاظتی جائزو منعقد کيو۔ ٹیم غی طرفوں اس ریل لائن ورتقیلاً مقامات جس طرح کہ ریاسی ریلوے سٹیشن تے مشہور چناب پل وغیرہ غو معائنو کيو گيو تے سنگلدان تیں ریاسی تک ریل کو ریڈو واسطے حفاظتی اقدامات غو جائزو لیو۔ یوہ دورو اس خطہ مانہہ اہم ڈھانچہ بالخصوص دُنیا گا سب تیں اُچا ریل پل تے ریل غا حساس مقامات ورتقیلاً بندوبست نانہہ مضبوط کرن غا اک حصہ غے طور تھو۔ اس موقعہ ورتقیلاً افسراں نے ریل افسراں تے اس رستہ ورتقیلاً حفاظت بارے چُست نگرانی گشت تے مقامی قانون عملان آلی ایجنسیاں سنگ تال میل غی اہمیت ورتقیلاً دتو۔

Kishtwar Asrar-Ud-Din

کشتواڑ مانہہ محکمہ مال غا اسسٹنٹ کمشنر ادیس لون غی طرفوں اہم محکماں گا افسراں غی اک میٹنگ غی صدارت کرتاں واں 10 نومبر 2024 نانہہ منعقد ہون آلا شاہ اسرار الدین صاحب رحمت اللہ غا عرس پاک غی تیاریاں غو جائزو لیو گيو۔ اس میٹنگ غے دوران رہائشی انتظامات، بجلی وپانی سپلائی، طبی خدمات، ٹرانسپورٹ تے حفاظت بارے تیاریاں نانہہ آخری شکل دتی گئی۔ اس سلسلہ مانہہ تمام متعلقہ محکماں نانہہ تیاریاں بارے ہیو گيو۔ تے راشن ورسوئی گیس غی سپلائی ورتقیلاً صورتحال غو وی جائزو لیو گيو۔

Bakery Training

جموں کشمیر غا ضلع پونچھ غا ترقی پزیر لورن علاقہ مانہہ بالخصوص خواتین بارے فوج غی طرفوں بیکری تربیتی کورس شروع کيو گيو ہے۔ اس کورس غو مقصد غریب خانداناں نانہہ روزی روٹی کمان غے قابل بنان تے انہاں مانہہ اقتصادی خود اعتمادی پیدا کرنو ہے۔

Army Interaction

ضلع پونچھ غا لاؤر کرشنا گھاٹی سیکٹر مانہہ فوج غی طرفوں سابقہ فوجیاں سنگ با جیت ایکس سروس مین تے ویرنا ریز غی خدمات نانہہ پجان بارے اک قابل تعریف قدم ہے۔ ایسا پلیٹ فارم غے ذریعے سابقہ فوجیاں غی ملکی خدمات نانہہ یاد کرن تے اُن غا تجربات حاصل کرن بارے بڑی اہمیت رکھے۔